

Na osnovu člana 22. stav (1) tačka d) i člana 77. stav (1) tačka e), Zakona o Policiji Brčko distrikta BiH («Sužbeni glasnik Brčko distrikta BiH» broj: 31/09, šef Policije **d o n o s i**

PRAVILNIK
O DODJELI NAGRADA I PRIZNANJA DRŽAVNIM SLUŽBENICIMA I NAMJEŠTENICIMA
U POLICIJI BRČKO DISTRIKTA BIH

Član 1.

(Predmet Pravilnika)

Ovim Pravilnikom utvrđuju se nagrade i priznanja državnih službenika i namještenika u Policiji Brčko distrikta BiH (u daljnjem tekstu: Policija) kao i kriteriji i postupak za njihovo dodjeljivanje.

Član 2.

(Dodjeljivanje nagrada i priznanja)

Za naročito zalaganje i postignute uspjehe u obavljanju poslova i izvršavanju zadataka organizacionim jedinicama i državnim službenicima i namještenicima u Policiji dodjeljuje se nagrade i priznanja.

Član 3.

(Nagrada)

Nagrada iz člana 2. ovog Pravilnika dodjeljuju se državnim službenicima i namještenicima kao novčana nagrada do 70% osnovne plate državnog službenika ili namještenika.

Član 4.

(Priznanja)

(1) Priznanje iz člana 2. ovog Pravilnika mogu se dodijeliti:

- a) državnim službenicima i namještenicima i
- b) organizacionim jedinicama.

Član 5.

(Vrste priznanja)

- (1) Priznanja iz člana 4. stav (1) tačka a) ovog člana je pismena pohvala.
- (2) Priznanje iz člana 4. stav (1) tačka b) ovog člana je reljefni grb Brčko distrikta BiH.

Član 6.

(Kriterij za dodjelu nagrade)

Nagrade iz člana 3. ovog Pravilnika dodjeljuju se za iskazane rezultate u radu kao što su:

- a) efikasnost u sprovođenju upravnog postupka;
- b) stručnosti u sprovođenju upravnog postupka;
- c) samoicijativnost i kreativnost u izvršenju poslova;
- d) organizacione sposobnosti u rukovođenju i
- e) visok stepen ljubaznosti i kulturnog odnosa prema strankama.

Član 7.

(Kriteriji za dodjelu pismene pohvale)

Priznanje iz člana 5. stava (1) ovog Pravilnika dodjeljuje se za iskazane rezultate kao što su:

- a) poseban doprinos u efikasnom izvršavanju poslova;
- b) permanentno iskazivanje stručnosti, samoicijativnost i kreativnost u izvršavanju poslova;
- c) doprinos u izvršavanju poslova radnih kolega;
- d) doprinos u radu radnih grupa, komisija i drugih radnih tijela Policije i
- e) blagovremeno i efikasno organizovanje i izvršavanje poslova.

Član 8.

(Kriteriji za dodjelu reljefnog grba Brčko distrikta BiH)

Priznanje iz člana 5. stav (2) ovog Pravilnika dodjeljuje se za iskazane rezultate kao što su:

- a) poseban doprinos u efikasnom izvršenju poslova Policije i
- b) poseban doprinos u izvršavanju poslova osnovne organizacione jedinice.

Član 9.

(Odlučivanje)

- (1) Nagrade i priznanja propisane ovim Pravilnikom dodjeljuje šef Policije rješenjem na osnovu prijedloga pomoćnika šefa Policije.
- (2) Šef Policije može povećati ili smanjiti novčane vrijednosti nagrade.
- (3) Prijedlog iz stava (1) ovog člana iniciraju rukovodioci organizacionih jedinica u koje su raspoređeni državni službenici i namještenici..

Član 10.

(Prijedlog za dodjelu nagrade i priznanja)

Prijedlog i inicijativa iz člana 8. ovog Pravilnika se dostavlja u pismenoj formi sa obrazloženjem.

Član 11.

(Opis priznanja)

Oblik, sadržaj i izgled priznanja iz člana 5. stav (2) i (3) ovog Pravilnika čine sastavni dio ovog Pravilnika kao prilog 1 i 2.

Član 12.

(Uručenje nagrada i priznanja)

- (1) Rješenje o dodjeli nagrada uručuje se državnim službenicima i namještenicima, a dostavlja se Rukovodiocu organizacione jedinice u kojoj je zaposlen i uložen u personalni dosije radnika.
- (2) Dodjeljena priznanja se uručuju na posebno organizovanoj svečanosti.

Član 13.

(Stavljanje van snage)

Stupanje na snagu ovog Pravilnika stavlja se van snage svi podzakonski akti o nagradama i priznanjima državnih službenika i namještenika u Policiji.

Član 14.

(Stupanje na snagu)

Ovaj Pravilnik stupa na snagu danom donošenja i objavit će se u "Službenom glasniku Brčko distrikta BiH".

Broj: 14.05/1-02-2835/10

Dana: 03.03.2010. godine

Š E F
POLICIJE BRČKO DISTRIKTA BiH

Goran Lujčić

Bosna i Hercegovina
BRČKO DISTRIKT
BOSNE I HERCEGOVINE
POLICIJA BRČKO DISTRIKTA



Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
ПОЛИЦИЈА БРЧКО ДИСТРИКТА

ŠEF POLICIJE BRČKO DISTRIKTA BiH

DODJELJUJE



(ime i prezime zaposlenika)

Broj: _____

M.P.

**ŠEF POLICIJE
BRČKO DISTRIKTA BiH**

Brčko, _____ godine _____

Bosna i Hercegovina
BRČKO DISTRIKT
BOSNE I HERCEGOVINE
POLICIJA BRČKO DISTRIKTA



Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
ПОЛИЦИЈА БРЧКО ДИСТРИКТА

ŠEF POLICIJE BRČKO DISTRIKTA BiH

DODJELJUJE



RELJEFNI GRB BRČKO DISTRIKTA BiH

Broj: _____

M.P.

**ŠEF POLICIJE
BRČKO DISTRIKTA BiH**

Brčko, _____ godine _____